

Ю.А. Спиридонов нима «Коми Республикаса Юралысь бердын искусство гимназия»  
уджикасö велöдан канму учреждение



Шань сьöлöмöн

СИАМ АЛЬБЕРТ ВАНЕЕВЛЫ

Альберт ВАНЕЕВ

**Войвыв көръяс**

Тундра шöрын, йиа саридз дiнын  
Чужанiныс налөн, оланiныс.

Вежонъясөн поводьяыс дурö,  
Юр вывтiныс шебравлывлö турöб.

Чизыр вой төв коставлытöг жвучкö,  
Йи торъясөн чужöманыс кучкö.

Судзсян кынöмпöтсö – яла нитшсö –  
Сьöкыда жö перйивлöны сiдзсö:

Чарöм улысь сизьдывлöны сюрö  
Тшак-вотöсөн, ещö мыйöнсюрö.

Лунвылад, дерт, пöтöсadjык кынöм,  
Но оз тэрмась көрыд, шуам, Крымö.

Оланiнсö бурджыкöс оз бöрйы.  
...Мыйкö мында ми тшöтш -  
Войвыв көръяс.



Семенец, Лера.  
«Ночь тундры»

Альберт ВАНЕЕВ

### **Эзысь Печора**

Ог төд весиг, мый синъясөс ёрö –  
Югыд лым али шонділөн дзирд?  
Эзысь би киньөн сывкйысь Печора  
Менам сөнъсысь өддзөдö вир.

Ме эг аддзыв, Печорай, важөн  
Тэнсьыд эзысьөн вольсалём эрд.  
Гоммём лолöй и кыпыд, и гажа –  
Эзысь лызьён көть панъясьны пет.

Эзысь төлысьлысь мывкыдсö босьт көть –  
Сунсьыв кымөрö, мыччысьлы бөр,  
Кызд тай войöдö толаяс костöд  
Эзысь сюръяса войвывса көр.

Эзысь бисера кызд пу и пожём  
Эзысь берегö ланьтёмны чöv:  
Озырлунсö быд чалльö да вожö  
Эзысь лов шынас пöльтöма төв.

Эзысь талун и пармаса зверыс,  
Эзысь талун и пöткалөн борд,  
Эзысь сьöмаöс йи улысь чери  
Эзысь паськöма тывъялö морт.

Дзирда серпассö мулысь да валысь  
Кута югыда казьявны нэм:  
Эзысь рöмыд, Печорай, талун  
Весиг юрсиам көвъясис мем.



Кузьмина Анастасия.  
«Серебро Печоры»

Альберт ВАНЕЕВ

**Кучкис кодъясӧс медводдза би...**

Кыдзкӧ шочаджык казътывлам найӧс,  
Кучкис кодъясӧс медводдза би...  
...Вӧлі зэв ылын шондіа майыс,  
Кор Победакӧд сывъясим ми.

Налысь морӧс эз мичмӧдлы орден,  
Ни медальяслысь дзирдсӧ эз тӧд,  
Сӧмын сӧлӧмныс вӧлі ас ордын,  
Кытчӧ изьясис лӧглунлӧн кӧрт.

Вӧлі подвигыяс донъялан кадыс  
Ылын.  
Славаыс дыр на эз су...  
Налы вичмис дзик ӧти награда –  
Узянінныс кӧть асланым му.

Кучкис виччысьтӧм гым,  
Пеж да чорыд.  
Здукӧн сотчисны ӧти да мӧд:  
Эз вӧв кад панны ӧртъяскӧд сӧрни,  
Тыртӧм гильзаӧ сюйны письмӧ.

Эз вӧв кад,  
Медым кужисны разны  
Наян вӧрӧгӧн окталӧм лӧч.  
Сӧмын зілисны вевттыны аснас,  
Ловъя морӧснас кӧрт да свинеч.

Вӧлі подвигыяс донъялан кадыс  
Ылын.  
Славаыс дыр на эз су...  
Налы вичмис дзик ӧти награда –  
Узянінныс кӧть асланым му.

Кутшӧм налӧн Победаӧ пайыс  
Гӧгӧрвоимӧй бӧрынджык ми...  
...Ме ог эскы,  
Мый эз тӧдны найӧ  
Кузь войнаыслысь грымгӧм да би.

Ставныс ӧткодьӧсь усьӧм салдатъяс,  
Налӧн ӧтувъя слава и гу,  
Ӧти снавныслӧн мамныс и батыныс –  
Чужан му,  
Чужан му,  
Чужан му...



Ковальчук Елизавета.  
«Майский салют»

Альберт ВАНЕЕВ

**Военной медальса аньяс**

Кор дас сизим муртса на тырис  
Да дзоридзён воссинныд кор,  
Война тїян олёмö пырис,  
Сьöd кырнышён шевкнитіс борд.  
Ой, мелїяс, мичаяс, томьяс,

Эз сьылём да гажödчём сюр,  
А рудов салдатскöй погоньяс,  
Пилоткаён вевттыштём юр.  
Ті помнитад, донаяс, шаньяс –  
Военной медальса аньяс?

Кöрт зэрысь и лэбув оз видзлы,  
И чуксавны мамтö он кут.  
Ті дорйинныд мувывса мичлун  
Да ассьыныд талунья шуд.  
Сэк шондіысь шондіён вöлі

Салдатьяслы фронтвывса чой –  
Öд регыджык бурдлывліс сьölём  
Да ныв киён көрталём дой.  
Ті помнитад, донаяс, шаньяс –  
Военной медальса аньяс?

Кён медводдза муслунныд тїян –  
Лöз синма, веж кудриа зон?  
Сэк аслас нем жалиттём биын,  
Ой, кымынöс ньылыштіс фронт.  
Ті тöданныд, куйлöны көнöсь,

Но быттöккö ловьяöсь век  
И письмöяс виччысяд öнödз,  
Мый гижтёмöсь колисны сэк,  
Кöть дзорминныд, донаяс, шаньяс –  
Военной медальса аньяс.



Терентьева Елизавета.  
«У войны не женское лицо»

Альберт ВАНЕЕВ

### **Вёрса ёльяс**

Төвся вёт пиын пожомьяс-козь  
Унзиль шебрасён эжсьома му.  
Йиа кабырён личкөмысь оз на  
Регыд мездмыны ёльяс да ю.

Чужан вёр-валён сөдз вира сөнъяс,  
Вёрса ёльясöй, окота мем  
Кывны тiянлысь сёлгём и öнi,  
Кор тi кöдзыдкöд нуанныд вен,

Кор зэв ылын на шонавтöдз-сывтöдз...  
А тiмусаöсь меным нэм чöж,  
Мый он ас ради сöдзтысьöй-кывтöй,  
Абу ас понда быд лунья тöжд.

Некор ышнясян кыв онö шулöй,  
Немся майшасян завидь оз дойд.  
Зiляд козьнавны паськыдджык юлы  
Да бур йöзлы быд чукöртöм войт.

Нималöны Печора да Эжва,  
А оз му пытшкысь писькöдчöм ёль,  
Но мем тiянöс нинöмөн вежны –  
Весиг тöлын ог адзывтöг коль.

Тi, шань сёллөмьяс, ылыстöй сöмын  
Шудтöм лунсö, кор ог нин ме лок...  
Чужан вёр-валён сөдз вира сөнъяс,  
Вёрса ёльясöй,  
Менам чой-вок.



Лыткина Екатерина.  
«На лесной тропе»

Альберт ВАНЕЕВ

**Сыктыевкарын Куратовлы памятник**

Сё во мысти бөр воин гортад!  
Пось чолём Тэд, коми поэт!  
Шань съёлёма-мывкыда мортёй,  
Ми памятник сувтөдём Тэд.

Тэ ло Сыктыевкар шёрса олысь,  
Тэ колляв тан нэм бөрся нэм.  
Эм зэв уна Тэ дорё волысь,  
Бур рөдвужыд зэв уна эм.

Сё восё ми шуамёй нэмён –  
Йёз олёмын тшупёда кад:  
И кольём война вёлі сёні,  
И талунья олёмлён лад,

И гөлөс «Авроралён» сэтён,  
И сэн революция би:  
Дыр виччысян Шондёйд петис,  
Ханжаястё путкыльтём ми.

А ловья поэзия Тэнад  
Эз пёрысьмы,  
Ныжён эз ло:  
Тшөтш мянкөд разөдис пемыд  
Да отсасис во бөрся во.

Пыр музаяд том, кыдзи Эжва,  
Кыдз пармаысь писькөдчысь ёль,  
Эз гудыртчыв, бокё эз кежлы,  
Йёз съёлёмысь ортсё эз коль.

Быд комины дона и муса,  
Дзик мамнымлён сёрни кодь ас,  
Ён бордяса Тэнад шань муза  
Мед кытшовтас парма и рас.


Тэ кывзысь,  
Кыдз Сыктыевкарын кывтё,-  
Өд визулыс кутшём со шань.

Тэ видзөдлы,  
Дзоридзыс мыйта  
И нюмьялысь войтырыс тан.

Тэ мыйта көть видзөдны кутан,  
Важ картё он төд нин Тэ, он:  
Со нин водзад Пединститутным,  
Кён велөдчө коми ныв-зон

И кытшалё Тэно искусство,  
Наукалён югёрыс яр,  
Поэзия лов шы тан кустём -  
Сидз сөвьяммис выль Сыктыевкар!

Шань съёлёма-мывкыда мортёй,  
Ми памятник сувтөдём Тэд -  
Сё во мысти бөр воин гортад,  
И видза жё олан, поэт!



Рассыхаева Есения.  
«Куратов и его вдохновение»

Альберт ВАНЕЕВ

**Нёбдінса Витторлы памятник дорын**

Коми му. Сыктывкар.  
Мед коть ыркыд,  
Но югыд на август.  
Талун, ветымын во мысти,  
Гортас бөр воис поэт.  
Талун кёдзавны удитём шондїыс  
Енэжсянь сявкйö.  
Выльöн восьтём на памятник  
Шонтыны-югöдны мед.

Быдтор вөрзёдö сёлём,  
И вежөрöс ёсьмөдö быдтор:  
Тэнад нэм гыдйö öтлаö  
Гартчисны омоль и бур,  
Öнөдз чорыда эска ме,  
Тöда ме, Нёбдінса Виттор,  
Тэысь комиджык мортыс  
Став Му вылас сэсся оз сюр.

Гижысь ёртгясыд костын  
Тэ вöлн ён вужьяса ниа.  
Аслад сьылöмön садьмөдін,  
Шезьöдін став Коми му.  
Тэнад отсөгön бордьяöсь лоисны  
Коми ныв-пиян,  
Весиг долыджык гыясөн  
Гыалис тшöтш Эжва ю.

Коть и бронзаысь тэ,  
Сыктывкар шöрті восьлалан быттьö:  
Эз на во сійö кадыс,  
Мед вөрзывтöг сулавны Тэд.  
Тэ öд миянкöд век,  
И ог весьшөрö ловьяөн лыддьöй:  
Видза олан, бур морт,  
Видза олан, шань коми поэт!



Рочева Полина.  
«Портрет Савина»



Альберт ВАНЕЕВ

**Мам**

Сэк кымөръяс шывгисны шога,  
И гажтöма дзуртис войпу...  
Мам горт вылö вит чоя-вока  
Ми содз тырйöн шыбитим му.

И сьöкыд зэв мыжаöс корсьны,  
Мый эновтис миянöс мам:  
Эз этшалöн олöмыс торксьы,  
Эз этшаöс торйöд  
Война...

Война...  
Сийö ылö нин колис,  
А быттьöкö öни на эм  
И пины, код мамтöгыс олö,  
И нывлы, код батытöгыс нэм.

Но эмöсь на паныдлөн налы  
Лёк кöиньяс.  
Узьны оз позь:  
Öд кöсийöны Мирсянь Войналань  
Пеж киясөн нюжöдны пос.

И медым жö уна сё вояс  
Оз сюр налы кöртыс ни пу.  
Мед Мир да Война костын лоас  
И мамыдлөн вунлытöм гу.



*Сусоровна Надежда.  
«Материнские слёзы»*

Альберт ВАНЕЕВ

**Воис ыджыд война вылысь морт...**

Воис ыджыд война вылысь морт...  
Сійӧс виччысис пармаса горт:  
Ичӧт ю бокӧ ляскысьӧм сикт,  
Керка, мамыс кӧн ӧтнасӧн дзик.  
Кызди виччысис!  
Ой жӧ да ой!  
Вӧлі тувсовъя вой, югыд вой!  
Вӧлі кыр паныд котӧртны рад  
Сизим орден-медаля солдат.  
Лӧня визувтӧ ю...  
Вой шӧр бӧр —  
Асья кыаыс муртса на гӧрд.  
Буретш чӧскыда шойчӧны йӧз,  
Кодъяс гӧрисны тувсов лун чӧж.  
Чайтсис, узыӧ быд вӧралысь пон...  
И сэк воськовсӧ ньӧжмӧдіс зон.  
Пуксис йӧр бокӧ.  
Личӧдіс ноп —  
Лыя туйсӧ эз дженъыда соб.  
Торкны эз кӧсйы мамыслысь ун —  
Сылы вичмас на котралан лун!..  
Сӧмын мамыс кор ломзыӧдіс пач,  
Гортса ӧдзӧсӧ игӧдчис надз...

...Воис ыджыд война вылысь  
Морт.



Данько Виктория.  
«Вернувшийся с войны»

*Альберт ВАНЕЕВ*

***Төдса керка***

Тайё керкаыс лунвывлань бана:  
Шонді пырас да рытөдз оз пет.  
Югыд жырьяс керка.  
А тани  
Став бур олысьыс пöчö да дед.

Нель пи быдмисны зумыдöсь, ёнöсь,  
Вöли ставныслөн кудриа юр.  
Öтшöтш фронт вылö мунисны зонъяс,  
А вот локтан туй налы эз сюр.

Ыджыд пиыслөн стенин кык орден,  
Медся ичöтлөн гудöкыс чöv.  
Тайё керкаас,  
Пöрысьяс ордас  
Некор ни öти свадьба эз вöv.



*Лукьянченко Лейла.  
«Дом бойца»*

## Котырлы сиём кывбурьяс

### *Пөттөдз гуляйтi*

Менам пöрысь бабöй,  
Муса шондiбанöй,  
Пуктiс сьöлөм бердö кисö –  
Ёна-й радейта ме сийöс!  
    Сöмын шондi каяс,  
    Меным пöсь шyd ваяс,  
    А ме вешта вом,  
    Сейöмöйлы пом!  
Пасьтöг иславны оз лэдз!  
А ме низга: «Бабö, лэдз!»  
Пасьодас да чышьянöдас,  
Кепысьодас, гачöдас...  
    Кöчан моз ме гортысь пета,  
    Видзöда, а ывлас пемыд!  
    Но и ладно, мöд лун эм,  
    Колö пöрччысьны бөр мен!  
Пöчö ропкö: «Вай эн дур!  
Аски кутас висьны юр!  
Водзжык водан, водз и чеччан,  
Оз ков, майбыр, летны печкан!»  
    Ме со вöтала нин вöt,  
    Гуляйтöмысь талун пöt!

## Кык йöй

Менам лунтыр висис кок.  
Лунтыр горзи: «Ок! Ок! Ок!»  
Мекöд дурис ичöt вок.

Некор воккöд ми ог төрöй.  
Кык йöй лунтыр ветлам бөрөн.  
Мамным ваксьö керка йöрын.

Мамö тшöктö: «Нетшкы ёг!»  
«Менам талун висьö кок!  
Дзикöдз дöсадитiс вок!».

Купайтчыны корис ёртöй.  
Менам вунис няргысь вокöй.  
Öдйö бурдiс висьысь кокöй.

### *Сьöлөм пыдöсын видза*

*(Муса сиктлы)*

Со и петiс рытъя шондi,  
Уськöдiс лöз кымөрьяс.  
Öнi оз нин менö шонты.  
Колисны гöрд гыөрьяс  
Енэжас.

Гöрдöдiсны пуяс, юяс.  
Веськöдчисны узысь руяс.  
Вошалiсны вадор туйяс.  
Чурвидзöны мышка муяс  
Вөр дорас.

Регыд карö ковмас мунны.  
Ставыс тайö менам вунас...  
Оз.  
Сьöлөм пыдöсын ме видза  
Гöрд гыөрьяса гортса мичсö.  
Оз чус.

Корсь уджтö ас сертиыд

Оліс-выліс ичөтик муош. Сійö кодйис град шöрын розьяс, сөйис кодзас. Коркö-некоркö сылы паныдасис шыр.

– Муош, тэ мыйла кодьян розьяссö?

Муош чöv олö. Шыр кутіс видзöдны сы бöрся, сэсся пуксис розь дорö.

– Мушыр... Мушыр!

– Мый колö, Рудья?

– Юася тай, мыйла кодьян розьяссö?

– Тайö менам удж, сійö менö вердö.

– А позьö тэкöд видлыны?

– Но вай видлы.

Рудьялөн артмис кодйисыны зэв бура, но öдйö дышöдіс, тайö пö няйт удж, да дугöдчис.

Кыськö исковтіс нидзув. Ыджыд, тшöг, кузь.

– Чолöм, суседьяс! Кыдзи пöткöдчанныд?

– То тай шырöс велöда кодзасьяс гусявлыны градйись.

– Артмö?

– Да, но шуö, зэв няйт удж пö тайö.

– Гашкö, ме тшöтш видла?

Кутіс нырнас писькöдны дзоляник розь, медым пырöдчыны градывса небыд муö. Регыдөн и воис свеклö дорöдз, гөгöрыс гартыштчис да кутіс исавны сійöс.

Сэсся кыськö чирк чеччыштіс.

– Позьö меным тшöтш видлыны?

– Дерт. Лок таланö.

Но кöть кыдзи эз зіль турунвиж дзирня, сылөн нинöм эз артмы: лапаясыс дзоляникöсь, гырдызаяыс кузьöсь, тушаыс гөн кодь кокни.

– А мыйла ме ог вермы вöчасьнысö?

Мушыр и шуö:

– Ме кöть нинöм ог аддзы, но пемыдын меным бур. Сідзкö, муыс меным – горт.

Шыр-лөн ёсь гыжьяс, зіль лапаяс, но уджыс абу сьölöм сертиыс. Нидзув визув, да зэв небыд сьölöма. Быдөнлы колö аддзыны ассьыс удж. Кöть сэсся кутшöм вежöра, ён да винёв. Корсь уджтö ас сертиыд.

Мича молодец

Кутшöмкö государствоын овлас öтик сар. Дворецыс сылөн вöлі ыджыд да ыджыд овмöсыс. А ачыс сар дыш мортөн вöліс, быд лун сöмын пируйтіс. Вöлі сылөн ныв Марья, да воис кад верöс сайö сетны. Мövпалö сар, кутшöм багатыр, кутшöм молодец гöтрасяс менам ныв вылö?

Коркö öтчыд Марья гуляйтіс паркын. Аддзис сійöс том зон, Öндрей нима, мөвпыштіс: кутшöм шань да мича ныв меным гöтыр вылö. Муніс сар дорö корасьны.

– Позьö нылыдлысь кисö босьтны? Ставсö вöча, мый шуан.

– Кутшöм тölөн тэнö татчö вайисны? Лун тölөн али вой тölөн? – юасьö сар.

А ачыс мövпалö: «Абу, тыдалö, лөк зонмыс. Но мед петкöдлас асьсö».

– Вай меным алöй дзоридз, кöнкö пö чульк йылын быдмö, некод на абу аддзылöма, а ставныс тöдöны, сыысь мичыс пö нинöм абу.

– Ставсö вöча, мый колö, – чорыда кöсйисис Öндрей. Нылыс ёна нин кажитчöма.

Аскинас мöдöдчис сійö витсö километра сайö. Мунö, мунö, дыр мунö. Аддзö – керкатор сулалö. Мудзöма, шуис пыравны шойччыштны. Некөн некод абу. Горöдіс: «Кодкö эм абу?» Некод эз шыась. Пырис керкаад, а сэнi пызан, джек, роч пач, ыджыд крöвать. Мövпалö том молодец: « Узьышта, шойччышта, аски бара туйö». Кайис паччөрö да водіс.

Сёр войнас локтіс вöрлөн сар – Вöрса – аслас гортас, аддзö – морт куйлö паччöрас, кутіс видчыны:

– Код татчö менсьым юасьтöг пырöма? Коді менам керкаын узьö? Кодöс ме öнi виа да сёя?

Зон кыліс вöрса кöзяинöс, чеччис, шуö:

– Эн равзы. Узьны он лэдз. Менам туйöй кузь на.

– Вай тышкасям, – шуис Вöрса.

– Вай, – шуис Öндрей.

Мöдісны найö тышкасьны. Вöрса омöлик, киясыс – коз лапьяс, кокьясыс – сісь мырьяс, сöмын гөлöсыс повзьöдчана. Öндрей и вермис сійöс, мöдыс керкаас öдва удитіс уйкнитны. Эз нин сэсся сэтчö пыр Öндрейыд, туйыс кузь на. А горшыс зэв ёна кутас косьмыны. Матыстчас шор дорö, кутас васö юны. Видзöдö, сы водзын кодкö вуджрасьö. Вуджöрыд и шуö:

– Мыйла юасьтöг менсьым васö юан? Вай тышкасям!

– А-а, тайö тэ, скöр Васа. Вай тышкасям! Ме тэысь ог пов!

Тышкасьны кутасны, а Васа ставнас ваысь да руысь, öдйö и мудзас. Öндрей йöткыштас сійöс гортас, ва пыдöсас, «Мекöд сэсся эн паныдась», – шуас, – да водзö мöдöдчас.

Мунас, мунас, уна лун мунас. Чульк воас. Видлас кайны – вильыд, оз вермы. Пырас вөрö, а сэн тешкодь пу сулалö. «Ас пуй али мый? Час жö видла лызь вöчны».

Шань пуыд өдйө и сетас асысө вöлавны. Вöчас Öндрей лызь гоз, да лэбöдасны найö сийöс чульк йылöдзыд. А сэни гөгөр еджыд лым, öтилаын сöмын мыйкö зэв ёна югъялö. Матыстчас, алöй дзоридз, синтö пöртö, видзöднытö он вермы. Орöдас сийöс му бердсыс Öндрей. Сюяс мешöкас.

Лызьнад бöрсö өдйө и воас сар дорад.

– Ме дыр ветли, полöмöс венi, унатор адзыли, ачымöс петкöдли, ставсö верми.

Сетан ме сайö нывтö?

– Аддза, – шуö сар, – тэныд колö сарөн лоны, ме пöрысь да дыш петö указьястö сэсся гижны. Босыт нылöс гöтыр пыддиыд. Мича молодечлы мича гöтыр!

Ме тшöтш сэни пируйтi, маөн чöсмаси, öни на вом дорöй юмзьöма.

*Екатерина Ладанова*

### *Кык мöска мужик*

Мужик локтiс гортас да шуö:

– Öлена, шуöма-вöчöма, мунам ньöбны мöскöс!

– Кöни сийö кутас овны? – шуö гöтырыс. – Оз öд миянкöд. Сийö ставсö кисьтас-жугöдас.

– А ме сылы карта вöча.

Да мöдöдчис тшупны карта. Локтiс рыгнас да шуö:

– Гöтыр, лок мунам ньöбны мöстö.

– А мый сийö кутас сёйны? – юалö Öлена.

– А ме сылы сёян ньöба.

Пуксис телегаö да мунiс сиктö. Локтiс, пуктiс пельöсö сёян тыра мешöк да шуö:

– Лок нин ньöбам мöстö.

Гöтырыс матыстчис öшинь дорö да шуö:

– Вай аски. Öни пемыд лöб мунны вöртiыс.

– Но ладнö, – шуис мужик, – вай аски.

Колис вой. Мужик чеччö водз да садьмöдö гöтырсö.

– Öлена, чеччы! – горзö мужик. – Лок мöстö бöрьям.

Öлена дыгыдiника чеччис, матыстчис öшинь дорö да шуö:

– Миян матын абу видз. Кытысь ми босьтам ыджыд телегасö, медым мöссö новлöдлыны? Сийö öд мудзас.

– Ме нажöвита сьöм, ыджыд телега ньöба.

И мунiс суседьяс дорö. Локтiс да шуö:

– Мун ньöб мöстö!

– А сылы кö гажтöм лоас?

Мужик мövпалö: «Збыльысь, ме гöтыра, а мöскыс öтнас».

– Ешшö ньöбам! – шуö сийö.

– Колö ыджыдджык карта вöчны, – вöзийö гöтырыс.

Мунiс мужик ыджыдджык карта вöчны. Локтiс да горзö:

– Вай мунам нин! Мöстö ньöбасны, йöвтöг колям.

– Миянлы ковмас кык пöv унджык сёян.

Мунiс мужик да локтiс ешшö öти мешöка.

– Но сэсся мунам нин ньöбасьны.

– Миянлы колö нöшта ыджыдджык телега ньöбны, ыджыд кузола. Медым кыкнан мöскыс тöрас.

– Ме ньöба сэтшöм кузола, мый куим мöс тöрас.

– Ме чайта да, кöни куим, сэни и вит тöрас. Мун, ньöбась.

Мужик öвтыштiс кинас, босьтiс сьöм да мунiс.

Гöтыр виччысис-виччысис, мужик эз и лок. А сийö вöчис выль керка, да кутiс овны кык мöскөн. Ме сийö зиль мужик дорас вöли, чöскыд йöла чай юи да кринча нök гортö вайи.

*Полина Игнатова*

### *Кодзув*

Кöдзыдыс скöралiс, трачкöдчис керкаас. Пемыд рытсся енэжас петiс югыд кодзув, видзöдлiс мича чача кодь керка öшиньясас.

Карп пукалiс да нускис-вöлалiс гöтырыслысь чöрссö, мичмöдлiс быдсяма сержасөн. Карплөн ставыс мичмöдöма, сийö киподтуя том коми морт. Öкуль лайкйöдлiс писö да нургис-сьылiс. Кань кургис да наян синнас видзöдлывлiс мама-пия вылö. Ывлаас увгис кöдзыдыс, пач трубаас кöсйивлiс пырны, но юшкаас вартчöмөн бөр петiс да скöра шутёвтiс. Иллюш кöсйис эськö повзьяны, да адзис, мый бать-мамыс и весиг каньыс лöня олöны да эз бöрддзы. Сэсся Илля адзис кодзувсö.

– Мам, эсийö кодзулыс менам? – юалiс детинка, öд сылы висьтавлiсны, мый быд мортлөн эм аслас кодзув.

– Тэнад, эзысь пи, тэнад. Став кодзулыс тэнад, став войвылыс и. А тэ – налөн.

Илля пуксис да кутiс видзöдны кодзув вылас. А кодзув видзöдiс Илля вылö. Найö эз на тöдны, мый энкöлаын найöс йитiсны, тайö кыкыс кутасны мунны олöм кузяыс öтлаын. Став сьöкыдлунсö венны кык вылö. Кодзув лöб Иллюшлы медбур ёртөн, кутас тöдны верстьö Карп Иллялысь став шогсö да бурсö. А öни – трачкöдчö кöдзыд, батьыс мичмöдö чöрс, мамыс сьылö. Эзысь пилөн синмыс куньсис, кага ланьтiс. А кодзув гусьöник любуйтчис узысь зонмөн.

*Светлана Калинина*

\* \* \*

Лысва кӧра пӧлӧзнича –  
Енӧж рӧма, югыд, мича.  
Малышта ме сылысь юрсӧ,  
Шӧпкӧдышта олӧм бурсӧ.  
Пӧлӧзнича, пӧлӧзнича,  
Менсьым радлунӧс тӧ видзан!

*Виктория Нефёдова*

\* \* \*

Быдмӧ дзоридз, кодлӧн сийӧ?  
Мыйла ловзьӧ, мыйла сылӧ?  
Мыйла корнас менӧ корӧ?  
Мыйла ышловзьыштӧ нора?  
Мыйла шондӧйскӧд нюммӧ?  
Тӧвру лолыштӧмысь юммӧ?  
Мыйла зӧркӧд ӧтув бӧрдӧ?  
Мыйла мичлуныс оз бердлы?  
Мыйла тадзи ме ог вермы?  
Муса дзоридз, висьтав, кевма.

*Анастасия Зиновьева*

\* \* \*

Ме пункта тӧнсьыд кывьястӧ  
кӧрзинаӧ.  
Кыа наысь джодждӧра.  
Пункта сийӧс аслас Олӧм керкалӧн  
пыранинӧ  
сӧтчӧдз,  
кытчӧдз тӧ он петкӧдлы,  
мый на пытшкын –  
Збыль да Вын.

*Полина Игнатова*

\* \* \*

Лӧбалӧс бобув.  
Кыптӧсны карьяс.  
Ӗнджыка скӧрмисны йӧз.  
Киссисны карьяс.  
Лӧбалӧс бобув.

*Ксения Бозова*

\* \* \*

Ичӧтик бобув  
Дыр пукалӧс дзоридз вылын...  
Сьӧлӧмсӧ колис...

*Виктория Нефёдова*

\* \* \*

Сытӧг сьӧлӧм бӧрдӧ нора.  
Ва моз колӧ сийӧ мен.  
Морӧс доймӧ, ог кӧ лалав  
Аслам чужан кывйӧн ме.  
Чужан кывйӧн ставсӧ верма.  
Муна водзӧ, лӧксӧ венӧг,  
Муна, сьӧкыд нопйӧс босьтӧг,  
Сьӧлӧм ӧдзӧс сьӧкӧд востӧа.

*Полина Игнатова*

\* \* \*

Ёрткөд джынъялөм зын турун – кык пөв абу курыд.  
Ёрткөд джынъялөм туйыд кык пөв дженъыд.  
Ёрткөд джынъялөм кампетыд кык пөв юмов.

*Эллина Пинягина*

\* \* \*

*Альберт Ванев серти*

Ме ловья сэк, кор шонтан менө синнад,  
Пось видзёдласнад кутлан менө кор.  
А мелі баныд мавтчыштас кор нюмнад,  
Ме гөтов лоа сылан ворсны гор.

Ме ловья сэк, кор кыла тэнсьыд ловтө,  
Кор рама ышловзян да югзяс нюм.  
Мен юрө пырө сөмын өти дум,  
Мый менсьым сьөлөмөс сэк муслун пөдтө.

Ме ловья сэк, кор менсьым киөс кутан.  
Да шуан, полан воштыны мый тэ,  
Мый кусан, радейтны кө дугда ме.

Ме лолөс вошта, мышкөн кө мем сувтан,  
Сэк морөсө тэ сатшкан-вартан пуртөн.  
Да кула, шога бөрдигтырйи ме.

*Камилла Терентьева*

\* \* \*

Чика грезд.  
Печора ю.  
Пачысь на шоньдджык,  
Кадысь на визувджык.  
Керка сайын  
Ыджыд вөр –  
Ставнас тырөма лөз корйөн  
да том вир-яйтө курччалысь номйөн.  
Зильөсь на дед-баб.  
Ломтысьө на пывсян.  
Выль сарай. Выль баль-челядь.  
И бара – выль шоньд лун.  
Со тайө и эм менам дона челядьдырөй.

*Анастасия Юшкова*

\* \* \*

Гожөм. Асыв.  
Миян йөр.  
Шонді мыччасьө корьяс сайын.  
Төв ньөжйөнника ворсө наөн.  
Пось моски  
Көмтөм кокьяс улын дзуртө.  
Мылаа сьылө ичөтик пышкай.  
Некод сэсся тані абу.  
Гортын узьоны на.  
Туй кузя муна да,  
Битөмөсь өшиньяс.  
Тані сөмын ме да вөр-ва.



## Юриндалысь

Альберт Ванеев. Войвыв көръяс .....	2
Альберт Ванеев. Эзысь Печора .....	4
Альберт Ванеев. Кучкис кодъясӧс медводдза би... ..	6
Альберт Ванеев. Военной медальяса аньяс.....	8
Альберт Ванеев. Вӧрса ёльяс.....	10
Альберт Ванеев. Сыктывкарын Куратовлы памятник.....	12
Альберт Ванеев. Нёбдинса Витторлы памятник дорын.....	14
Альберт Ванеев. Мам .....	16
Альберт Ванеев. Воис ыджыд война вылысь морт.....	18
Альберт Ванеев. Тӧдса керка .....	20
Ариана Холопова. Котырлы сиӧм кывбурьяс.....	22
Пӧттӧдз гуляйтӧ.....	22
Кык йӧй.....	23
Сьӧлӧм пыдӧсын видза (Муса сиктлы) .....	23
Дмитрий Жикин. Корсь уджтӧ ас сертиыд .....	24
Юлия Рубцова. Мича молодеч .....	25
Екатерина Ладанова. Кык мӧска мужик .....	26
Полина Игнатова. Кодзув .....	27
Светлана Калинина. «Лысва кӧра пӧлӧзнича...».....	28
Виктория Нефёдова. «Быдмӧ дзоридз, кодлӧн сійӧ?..».....	28
Анастасия Зиновьева. «Ме пункта тэнсьыд кывъястӧ...» .....	28
Полина Игнатова. «Лэбаліс бобув...» .....	29
Ксения Бозова. «Ичӧтик бобув...» .....	29
Виктория Нефёдова. «Сытӧг сьӧлӧм бӧрдӧ нора...».....	29
Полина Игнатова. «Ёрткӧд джынъялӧм зын турун – кык пӧв абу курыд...».....	30
Эллина Пинягина. «Ме ловья сэк, кор шонтан менӧ синнад...».....	30
Камилла Терентьева. «Чика грезд...» .....	31
Анастасия Юшкова. «Гожӧм. Асыв...».....	31

*Электронный сборник, посвященный юбилею А.Е. Ванеева*

*Составители*  
Нефедова С.М.  
Витязева И.А.  
Зварич Л.Я.

*Рисунок на 1 странице Рубанович Марии*

*Вёрстка*  
Симпелев П.И.